



Erediens

Geloofsbelydenis

ahv Psalm 97

AHV PSALM 97

Voorganger:

Die Here is omgewe van donker wolke;
sy troon is gebou op reg en geregtigheid.
'n Vuur trek voor Hom uit
en verteer sy vyande van alle kante.
Sy weerligstrale verlig die wêreld;
die aarde sien dit en bewe.

Gemeente:

Die Here regeer,
die aarde moet juig,
al die eilande moet bly wees!

Voorganger:

Berge smelt soos was voor die Here,
voor die Here van die aarde.
Die hemel getuig dat Hy regverdig is
en al die volke sien sy magtige verskyning.
Almal wat beelde dien,
wat nikswerd afgode vereer,
word ontnugter,
want al hulle gode moet voor die Here buig.

Gemeente:

Die Here regeer,
die aarde moet juig,
al die eilande moet bly wees!

Voorganger:

Sion is bly, die stede van Juda juig
wanneer hulle hoor wat U as regter gedoen het, Here.
U, Here, is die Allerhoogste oor die hele aarde,
hoog verhewe bo alle gode.
Julle het die Here lief;
haat dan wat sleg is!

Gemeente:

Die Here regeer,
die aarde moet juig,
al die eilande moet bly wees!

Voorganger:

Hy bewaar die lewe van sy troue dienaars,
Hy red hulle uit die greep van die goddelose.
Vir die regverdiges het daar lig gekom,
blydschap vir die opregtes.
Wees bly in die Here, regverdiges,
prys sy heilige Naam.

Gemeente:

Die Here regeer,
die aarde moet juig,
al die eilande moet bly wees